

MEMBRU NAIN 14 SIMU POSE NUDAR KONSELU SEGURANSA MUNISIPIU LAUTEM

Lautem-Sesta feira semana ne'e, (11/19) Prezidente Grupu Trabalho ba implementasaun Planu Asaun Nasional (PAN 1325), atual Diretora Geral Servisu Korporativu Ministeriu Interior, Sra. Guilhermina F.S. Ribeiro, participa seremonia tomada de pose ba membru KSM (Konsellu Seguransa Munisipiu) Lautem, hamutuk ema nain 14, ne'ebe ofisialmente simu pose, iha salaun GOR (Gedung Olah Raga) Lospalos, hodi halao knar hanesan servidor hodi bele garante seguransa iha Munisipiu Lautem. Prezidente



eleitu Munisipiu Lautem Marcos Sequira agradece ba konfiansa ne'e, no promete sei servisu hamutuk ho entidades hotu hodi garante situasaun hakmatek, espesialmente iha Munisipiu Lautem. "Konsello Seguransa Munisipiu, rasik sai hanesan sumbriña ka mahon ba Konsello Polisiamentu Komunitaria (KPK), liu husi koresponde situasaun Seguransa ne'ebe Komandante munisipiu sira hasoru iha terenu, no mos atividades Prevensaun Konfliktu iha nivel Suku no Aldeia. Agradece ba konfiansa ne'e, no ita sei servisu hamutuk ho entidades hotu hanesan Autoridade Lokal, Joventude no veteranus libertasaun da patria hodi garante situasaun hakmatek, espesialmente iha Munisipiu Lautem. Enkuantu komandante Jeral PNTL komisariu polisia Julio da Costa Hornay hateten, KSM estabelese, hodi bele hakbesik servisu PNTL nian ba comunidade sira. "KSM mosu tanba ita hakrak servisu PNTL ne'e, bele hakbesik an liu ba comunidade sira, nune'e comunidade sir abele esai parseria servisu. Tanba seguransa laos iha PNTL nialiman deit, maibe ita hotu-hotu nudar Timor oan nia responsabilidade. Mai ita servisu hamutuk apoiu malu, kontribui ba malu, hodi halo prevensaun ba krime ne'ebe maka lao iha ita nia let karik atu mosu". Hateten Komandante Jeral PNTL ne'e. Marka prezensa iha seremonia ne'e, kompostu husi administrador munisipiu, representate igreja, intelektuais munisipiu Lautem, veteranus inklui entidades hotu. #Gina